

中國方志叢書·華北地方·第四一七號


據

馬繼楨督修，吉廷彥編纂
民國十八年鉛印本

影印

山西省

翼城縣志



成文出版社有限公司印行

566867



10094143

中國方志叢書·華北地方·第四一七號

據

馬繼楨督修，吉廷彥編纂
民國十八年鉛印本

影印

山西省

翼城縣志

成文出版社有限公司印行



10094144

中國方志叢書·華北地方·第四一七號

據

馬繼楨督修，吉廷彥編纂
民國十八年鉛印本


影印

山西省

翼城縣志

成文出版社有限公司印行

1937



10094145

中國方志叢書·華北地方·第四一七號

據

馬繼楨督修，吉廷彥編纂
民國十八年鉛印本


影印

山西省

翼城縣志

成文出版社有限公司印行

161-2775



10094146

中國方志叢書·華北地方·第四一七號


據

馬繼楨督修，吉廷彥編纂
民國十八年鉛印本

影印

山西省

翼城縣志



成文出版社有限公司印行

sk6867



10094232

中國方志叢書·華北地方·第四一七號

據

馬繼楨督修，吉廷彥編纂
民國十八年鉛印本

影印

山西省

翼城縣志

(六)

成文出版社有限公司印行



10094233

中華民國六十五年

月臺一版

翼城縣志

全六冊

發行人：黃

成助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修邑志序

士君子不出戶庭而能周知環球形勝者豈有他哉曰有志以攷之而已蓋郡邑之有志猶國家之有史所由信今而傳後者也故稽疆域之分合述政教之同異與夫民情風土之文質淳澆皆於是乎在志之由來已久是安可以不修雖然有二難焉一在籌款款有不足則編印無所措手一在用人人或不得則調查莫明真相何況時至今日千變萬化爭權奪利大非昔比官斯土者籌治安策善後如走華陰道中方酬應之不遑奚暇謀輯夫邑志然而修廢舉墜有司之事也豈異人任歟民國十四年冬予友馬幹承來宰是邦政暇謂予曰冀志當修久矣吾

願擔款以爲之倡君盍與縣紳共圖之時縣紳公推予與焉獻
廷兩人擔任編輯復延同道二十餘人劃開區域分任採訪余
披閱舊乘攷其年代創始於明歷清康熙嘉光等朝皆有所增
益惟自光緒七年後迄今五十餘載其間天時人事之變遷衙
署機關之改革地土戶口之加增頓與昔殊而近今創辦之一
切新政舊志大都未載懼其久而無徵也用是發凡起例一面
搜求舊集一面諮諸父老選而錄之編成新志補圖若干幅製
表若干頁都爲若干卷區類分門舊者依原書而變通之新者
另標題目補其漏續其闕芟其冗正其誤何者當存何者當去
悉一一酌諸時宜公論而不敢苟焉已也故志其山川則知險

易之所在志其禮俗則知習尚之所分志其古蹟則知興廢之所起志其物產則知貧富之不同而歷史沿革之不可無攷也則志封建國家賦稅之不可無稽也則志田賦地方財政之不可無徵也則志公款城池官署以及橋梁道路一邑之規模攸繫於疆域則志之迎神賽社以及禳瘟祈雨斯民之迷信難破於祠祀則志之其志宦績也所以重建官分職之制凡有才德者皆褒之將以風有位也其志選舉也所以彰興賢育才之典凡得功名者均錄之蓋以表人才也至若節烈孝義老善通儒世道於焉允賴矣爰是有人物之志書奏傳銘詩詞歌賦大雅特以勿墜矣爰是有藝文之志如是而可以已乎曰否否學校

培養國民志之以重文化武備保衛治安志之以重軍政村制改良社會志之以重自治溝渠開通水利志之以重民生且也鹽政攸關民食倉廩攸關備荒災祥攸關天變舉凡一邑所有例如捐納釋道封蔭陵墓等等皆亦不可不忘何者寧存毋缺懼漏也寧實勿虛防濫也計斯志之修予與獻廷先生歷兩寒暑而始告成其文字間或簡略弗備或樸率鮮華自知誠不免斯咎若夫筆之削之潤飾而增美焉實有待夫後來之君子

中華民國十八年歲次己巳十月吉日

山西循良第一五等金質單鶴章歷官太谷平定孟縣知事孝

廉方正 邑人 吉廷彥撰

重修邑志序

蓋聞作史有三長才學識之謂也自古迄今具史才者有過於班馬范陳者乎縣志一書固不敢上擬國史而要自史記一國之事志記一縣之事論之是志之於史殆具體而微異而同同而異者也翼城縣志肇自明季萬曆年侍御史公學遷之手清順治十四年侍御上官公鉉曾修之雖康熙十三年經邑令陳應富重修乾隆二年三十六年經邑令李居頤許崇鼎重修光緒七年經邑令龔履坦重修核其實僅續之而已何足言修乎民國肇造侍御李公春溥緣清室祚移罷官家居余嘗謂公曰吾翼志書創於史學遷御史修於上官鉉御史今公亦御史也

乘此精神尙健出其在國修史之筆墨而移之在邑修志則他日書成光耀全邑豈不與二公鼎足而立乎無如翼地苦寒籌款非易僅託空言未克實行延至民國七年會稽王明仕以史才來莅茲土爲修縣志籌措洋八百圓滿擬聘請宿儒開局修理親自核綜藉展才華乃款甫集齊公適以引疾去而所遺之款爲後任漸次用諸他途而烏有矣復延至民國十五年知事馬公繼楨光緒庚子辛丑恩正併科孝廉也對於此舉頗具熱忱籌集經費獨力擔任照令李公春溥爲總編纂余爲副總編纂局已開矣余與公正在物色採訪分纂諸人忽因冬防喫緊驟然停止李公亦歸道山次年秋地方平靜人心大安馬公乃

復聘吉君廷彥與余分任編纂事余少本謏陋老更荒謬豈特無才學識之長竊恐有將毋同之誚因謂吉君曰余與李公修志余當負重君與余修志君當負重爲年歲所關衰壯之不同也吉君亦慷慨任事勞瘁不辭非特於新採者恐有遺誤派遣專員特地採訪務求得其真相而後已卽於舊志所載冗者必從而刪之訛者必從而正之間有不足取信或屬遺漏者又必從而棄之從而補之縱其筆權迥異畏蕙殫精竭慮助臻美善如田賦選舉諸端可列表者則列表以符新式區村學校各地可繪圖者則繪圖以昭真跡總之一部縣志幾於無門不詳加筆削無類不親爲點竄是誠所謂修也詎比他人僅續之已乎

若余雖應修志之名殊乏修志之實所孜孜秉筆而編纂者除
人物類之顯仕通儒忠烈孝義耆善隱逸仙釋方技國戚寓賢
列女門之賢媛節孝貞烈外坐綜全書之成而已雖不比因人
成事而究屬勞逸不均豈余生平之所願哉然轉思古君正也
余副也重輕不同或亦理所宜然耳此修志經過之始末也故
序之

邑人 馬毓琛謹敘

原序

翼城邑志肇修於前明萬曆戊申邑令鄧公桂枝侍御史公學遷越五十年至清順治丁酉邑令胡公獻瑤侍御上官公鉉修之又越十七年至康熙癸丑邑令陳公應富修之又越六十五年至乾隆丁巳邑令李公居頤修之又越三十四年至乾隆辛卯許公崇楷修之自是以後至於今已百有十年我朝久道化成重熙累洽其間純臣良吏文人藝士孝子節婦接踵而起者指不勝屈咸豐初年粵匪擾邊境焚掠之慘甚於明季歿於王事頗不乏人今光緒初歲大旱赤地千里數金不能易斗粟餓殍載道人相食蒙聖天子轉漕發帑至再至三星使閣公撫憲

曾公仰體皇仁核實賑恤又因民氣大傷瘡痍難復有蠲免錢糧籌借籽種活鰥荒地均減差徭散給牛馬諸善政民困藉蘇是皆不可以不誌使失此親見其事躬與其役之人而不誌時過境遷必將日就湮滅雖諮諸父老稽諸典章而猶有知焉弗詳詳焉弗盡之憾也今列憲議修山西通志檄徵各州縣志以資考核平遠王明府耀章權翼篆畝與邑之賢士大夫謀之未幾解組去長白佛明府芝圃繼其任廣收博採因於前志遺者補之冗者刪之誤者正之疑者闕之梗概甫備而又去官予來宰是邦本修廢舉墜之心值徵文考獻之際不獲以譚陋辭遂取其書而讀之喜其參同訂異無支離穿鑿附會之說而一邑